

Zeitschrift: Nebelspalter : das Humor- und Satire-Magazin
Band: 67 (1941)
Heft: 47

Illustration: Wann hören wir endlich auf zu schreiben
Autor: Ess, H.

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 14.05.2025


ETH-Bibliothek Zürich, E-Periodica, <https://www.e-periodica.ch>

Der Omesäger

Wem-me a nüt Böses tenkt, so chlop-fet's z'mol a-de Tör, ond wer chonnt ie? Dr Omesäger im Frack ond Zylinder! Met-ere firliche Gebärde nennt-er sini Angschtröhre vom Chopf ond seit langsam ond betont: «Es ischt veschtorbe i üsere Gmeind, im schöne-n-Alter vo achzg Johre, de Johann Sebaschtian Ambüel. Die Aghörige lönd ersueche, em Verstorbene di letscht Ehr z'erwyse. Em Donntschtignometag em halbi zwei vo Hus!»

Onder dene Omesäger fendt me öppe-n-emol ganz usprägti Dorfphilosophie. Vom-e derige well-i hüt e paar Schtöckli verzelle. Er het das Amt in-ere große Gmeind im Obertoggeborg usgüebt, ond öberall, wo-n-er here cho ischt, hend-n-e d'Lüt kennt; entweder a sim Toggeborger Rahmehart, oder denn secher am Frack a. Fascht vierzg Johr lang ischt er om alli Hüser ome cho ond het i dere Zyt vill gseh ond ghört. Vom Omesäge-n-ellei het-er natürlü nöd chöne lebe. Er ischt i de Hauptsach go taglöhner, nebetbi het er au no Zeger vertreit oder Bretter i d'Alp ue bogglet, wenn's weder emol e neu Hütte gge het. Aber am liebschte ischt-er glech allewil no go omesäge. Nöd vegebe het-er emol gmänt, wo fascht niemer gschtorbe-n-ischt: «Jetzt ha-n-i doch chätzersch e schlemms Johr gha!» Oder denn het-er au öppe gern gseit: «Die choge Töchter schaffet-mir eifach e-chli zwenig i d'Hendl!»

I dene vile Johre, wo-n-er omegseit het, ischt-em menge Bock passiert, aber i de meischte Fälle het er si guet use-gewetzt. D'Lüt hen-en ebe gern e chli gfluxt ond am Narreseil abe glo, ond grad jedes Mol het ers au nöd gmerkt. Dozmol isch es Mode gsi, dafz mr em Omesäger entweder en Zwänzger oder den öppe-n-e Gläslü Treschter, oder Zweischgewasser gge het. So isch es vorcho, dafz er gegem Obet ane e chli vegefli worde-n-ischt. Das hend e paar



Wann hören wir endlich auf zu schreiben:

„inliegend sende ich Ihnen ...“?

Borschte benotzt ond abgmacht, si wöllet-em sofort yschenke ond met em schpröchle, bal er zo Tör i chöm. Ond richtig; ausgebleckle ischt de Bloderi droff igschtege ond noch-ere Halbschtund weder ggange ohni Ome-z'säge. Wo-n-er e Schtock vom Hus eweg gsi ischt, hend's-em grüeft, er heg jo vegesse z'säge, wer gschtorbe sig. «I ha tenkt, Ehr wösset's scho, wel-er mr sofort igschenkt hend», ischt sini troche-n-Antwort gsi.

Emol isch em aber no vill füler ggange. Er het si eifach nöme chöne-n-errinnere, wer gschtorbe gsi ischt. Aber ohä, au us dere-n-Affäre het er si ganz fein use gschlänglet. Er isch eifach is erscht bescht Hus ie ond het gseit: «Ehr chönntet scho nöd verote, wer gschtorbe-n-ischt!»


«Momoll», het-mr em zor Antwort gge: «Dr alt Holeschtei im Oberhufe!» «Jo, gad präzis de seb!» isch-es üse-

serem Omesäger usegfahre, ond vo det a het er's selber au weder gwöfst.

Met de Zyt send sini Bei denn glech all müeder worde. Wo-n-er bald nünzgi gsi ischt, het er sis Amt abggee, ond e paar Jöhrli schpöter ischt sin Nochfolger de Tod vom alte-n-Omesäger go vechönde:

«... die Henderlassene lönd ersueche, em Veschtorbene di letscht Ehr z'erwyse, em Donntschtignometag, em halbi zwei vo Hus.» Brun

Rheuma




Gicht, Ischias u. Hexenschuß werden durch die wärmeerzeugende Calorigen-Watte seit Jahren erfolgreich bekämpft. Calorigen lindert Schmerzen und fördert die Heilung. Einfach und angenehm in der Anwendung, nicht klebend, nicht hinderlich bei der Arbeit. In Apotheken u. Drogerien Fr. 1.25.

CALORIGEN

Schaffhauser-Feuerwatte

Caves Donvar S. A.
Champagne Vd.



Bureau,
expéditions:
Auvornier, N°tel Tél. 6 21 38